

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-934/13  
Sarajevo, 26.9.2013. godine

**Z A P I S N I K**  
**17. SJEDNICE DOMA NARODA PARLAMENTA FEDERACIJE BOSNE I  
HERCEGOVINE, održane 12. i 26. septembra 2013. godine**

Sjednica je počela u 10.40.

Sjednici je predsjedavao Radoje Vidović, predsjedavajući Doma naroda Parlamenta Federacije BiH.

Na početku sjednice predsjedavajući je pozdravio delegate, ministre u Vladi Federacije BiH, predstavnike nevladinih organizacija, predstavnike akreditiranih medijskih kuća koji prate rad sjednice i goste.

Na osnovu evidencije Stručne službe, predsjedavajući je konstatovao da sjednici prisustvuje 40 delegata, što čini većinu, te Dom naroda može raditi i punovažno odlučivati.

Izostanak sa sjednice su opravdali Jasmin Smailbegović i Slađan Ilić.

Nakon toga predsjedavajući je pozvao delegate da se izjasne o zapisnicima 16. vanredne sjednice, 15. i 16. sjednice Doma naroda.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, bez primjedbi, usvojio:

- Zapisnik 16. vanredne sjednice Doma naroda Parlamenta Federacije BiH, održane 25. jula 2013. godine (35 glasova za i jedan uzdržani glas),
- Zapisnik 15. sjednice Doma naroda Parlamenta Federacije BiH, održane 27. juna i 18. jula 2013. godine (35 glasova za i dva uzdržana glasa),
- Zapisnik 16. sjednice Doma naroda Parlamenta Federacije BiH, održane 18. i 25. juli 2013. godine (40 glasova za i jedan uzdržani glas).

Predsjedavajući je podsjetio delegate da se na osnovu člana 104. Poslovnika o radu Doma naroda mogu postavljati delegatska pitanja i pokretati inicijative, te izraziti nezadovoljstvo dobijenim odgovorom.

**Delegatska pitanja i inicijative**

**Predrag Kojić** je izrazio nezadovoljstvo nedobijanjem odgovora na pitanje u vezi sa izborom potpredsjedavajućeg Doma naroda Parlamenta Federacije BiH iz reda srpskog naroda i zatražio od predsjednice Kluba delegata srpskog naroda da sazove sjednicu Kluba i predloži kandidata za

potpredsjedavajućeg Doma naroda Parlamenta Federacije BiH iz reda srpskog naroda.

**Zoran Jovanović** je izrazio nezadovoljstvo odgovorom koji je dobio od Federalnog zavoda za penzijsko i invalidsko osiguranje u kojem je odgovoreno da povratnici iz Republike Srpske u Federaciju BiH primaju penziju od Fonda PIORS. Zoran Jovanović je izjavio da su ti ljudi stekli penziju prije rata u Federaciji BiH i da bi trebali primati penziju od Federalnog zavoda za penzijsko i invalidsko osiguranje, što još nije učinjeno, a što bi bilo u skladu sa Ustavom BiH i presudom Evropskog suda za ljudska prava.

**Mira Ljubijankić** je ponovila pitanje federalnom ministru za izbjegla i raseljena lica u vezi sa Izvještajem o utrošenim sredstvima u iznosu od 19.600.000 KM koja su bila predviđena za izbjegla i raseljena lica i povratnike. Izrazila je nezadovoljstvo što dosada nije dostavljen ovaj izvještaj, niti odgovoreno na njena pitanja.

**Drago Puzigaća** je postavio pitanje Vladi Federacije i Federalnom ministarstvu poljoprivrede, vodoprivrede i šumarstva kada će se donijeti Zakon o šumama, te zatražio pisani odgovor.

**Damir Čardžić** je pokrenuo inicijativu da se prije početka sjednica Doma naroda intonira himna Bosne i Hercegovine.

**Sretko Radišić** je postavio pitanje Federalnom ministarstvu prometa i komunikacija i JP Autoceste Federacije BiH koliko je efektivne autoceste na Koridoru Vc izgrađeno u 2011., 2012. i 2013. godini, te koja je procjena za 2014. godinu. Upitao je koliko je izvođača iz BiH angažirano na izgradnji ove autoceste, te kolike su uštede time ostvarene. Također, upitao je zašto nema radova na dijelu Koridora od Doboja kroz Posavinu i šta će se poduzeti sa radovima kroz Hercegovinu.

**Josip Perić** zahvalio je svima koji su mu dostavili odgovore na pitanja, a izjavio je da od mnogih nije dobio odgovore.

Postavio je pitanje u vezi sa Zakonom o izmjenama i dopunama Zakona o izdvajanju i usmjeravanju dijela prihoda preduzeća ostvarenog korištenjem hidroakumulacionih objekata u smislu promjene kriterija za naknadu za potopljena područja. Smatra da bi kao kriterij trebala biti potopljena površina, a ne dotok vode. Također, postavio je pitanje koliko je općinskih načelnika i općinskih vijeća na koje se odnosi ovaj zakon poslalo izvještaje Vladi Federacije koja je trebala kontrolirati da li se Zaključak donesen prilikom ovog zakona poštuje.

Drugo pitanje se odnosi na osobe koje u Federalnom ministarstvu boraca i invalida odbrambeno-oslobodilačkog rata imaju ugovore o djelu i vrijednost tih ugovora. Pitanje je upućeno Federalnom ministarstvu finansija i Federalnom ministarstvu boraca i invalida odbrambeno-oslobodilačkog rata.

**Zijat Mušić** je postavio pitanje Federalnom ministarstvu boraca i invalida odbrambeno-oslobodilačkog rata i Federalnom zavodu za penzijsko i invalidsko osiguranje u vezi sa rješenjima koja su izdana korisnicima prema Zakonu o prijevremenom povoljnijem penzionisanju boraca odbrambeno-oslobodilačkog rata i kolika je razlika u odnosu na rješenja izdana po ranijem Zakonu. Upitao je

koliko je sredstava isplaćeno za august. Također, upitao je koliko ušteda će se napraviti prema novom Zakonu.

**Josip Perić** je zatražio da premijer Federacije podnese zahtjev za ocjenu ustavnosti Zakona o prijevremenom povoljnijem penzionisanju boraca odbrambeno-oslobodilačkog rata i time ispoštuje Zaključak Doma naroda.

**Amir Zukić** je postavio pitanje premijeru Federacije i resornim ministrima - koji je pravni osnov za zaključivanje menadžerskih ugovora u oblasti zdravstva, finansija, saobraćaja i komunikacija kada Zakon o radu ne poznaje tu vrstu ugovora.

**Ivan Brigić** je pokrenuo inicijativu i postavio jedno pitanje. Predložio je Kolegiju Doma naroda da se na posebnoj sjednici Doma razmotri materijal Ekspertne grupe o funkcioniranju i organizaciji Federacije.

Postavio je pitanje da li je Centralna komisija za imovinu počela raditi.

**Aner Žuljević** je uputio pitanje federalnom ministru kulture i sporta Samiru Kaplanu i dostavit će ga u pisanoj formi.

**Elvira Abdić-Jelenović** je upitala Federalno ministarstvo finansija kako, na koji način i na osnovu kojih propisa su obračunati doprinosi za zdravstveno i penziono osiguranje zaposenim u obrazovanju, zdravstvu i privrednim preduzećima u Federaciji za period 1992., 1993., 1994., i 1995. godina? Koje su obaveze i sa kojim godinama plaćane iz prijavljenih i priznatih ratnih potraživanja privrednim društvima u Federaciji BiH? Koliko sredstava je BiH a potom i Federacija BiH naplatila iz prijeratnih potraživanja preduzeća nastalih na osnovu ugovora tih preduzeća sa Libijom, Alžirom, Irakom? Kako se postojanje i naplata tih sredstava odrazila na vlasničku strukturu u tim preduzećima, imajući u vidu činjenicu da su neka od tih preduzeća postala dioničarska društva prije samostalnosti BiH?

Postavila je pitanje Kolegiju Doma naroda ko je odlučio da se prijedlog o preuzimanju i obnovi Agrokomerca sa tri aneksa Udruženja za zaštitu nezaposlenih dioničara ne podijeli delegatima Doma naroda?

**Vesna Saradžić** je postavila dva pitanja.

Prvo pitanje je vezano uz odabir kandidata za popis stanovništva a odnosi se na kriterije na osnovu kojih je bodovana rubrika "opći dojam", koje je uputila Federalnom zavodu za statistiku.

Drugo pitanje je uputila Federalnoj upravi civilne zaštite - zašto se u proteklih 10 godina nije vršilo deminiranje na području općine Konjic i kada će uslijediti aktivnosti o ovom pitanju.

**Esed Radeljaš** je predložio Kolegiju Doma naroda da više ne obavještava Vladu Federacije kada se održava sjednica Doma naroda, budući da na njenim sjednicama često ne prisustvuju ministri.

**Vesna Nemeć-Klisura** je postavila jedno pitanje i pokrenula jednu inicijativu. Upitala je federalnog ministra poljoprivrede, vodoprivrede i šumarstva koliki je doznačeni iznos podsticaja iz budžeta Federacije za poljoprivredu po kantonima u posljednje tri godine, te u prvoj polovini 2013. godine.

Inicijativu je uputila Vladi Federacije i Kolegiju Doma naroda da se za narednu sjednicu pripremi prijedlog odluke o potpisivanju sporazuma radi

izvršenja Projekta modernizacije Kantonalne bolnice Goražde iz sredstava austrijskog kredita.

**Dževad Rađo** je pokrenuo inicijativu prema Vladi Federacije da se u što kraćem roku pristupi izradi zakona o dopuni Zakona o raseljenim licima i povratnicima u Federaciji BiH i izbjeglicama iz BiH.

**Ivo Tadić** je zamolio premijera Federacije i federalnog ministra finansija da pomognu da se u što kraćem roku uplati novac za održavanje sportskih igara koje organiziraju bivši pripadnici HVO-a i organizacija RVI.

**Mustafa Kurtović** je postavio pitanje vezano uz izgradnju Hidroelektrane Ustikolina.

**Salko Selman** je postavio pitanje Vladi Federacije u vezi sa prikupljenim sredstava na osnovu GSM linije u ovoj godini.

**Slobodan Tomić** zahvalio je Federalnom ministarstvu za raseljena i izbjegla lica na završetku asfaltiranja puta u povratničkom naselju Dobrič.

Nakon delegatskih pitanja i pokrenutih inicijativa prešlo se na utvrđivanje dnevnog reda.

Predsjedavajući je obavijestio delegate da je Vlada Federacije dostavila Prijedlog Zakona o dopuni Zakona o Komisiji za vrijednosne papire i Prijedlog Zakona o izmjenama i dopunama Zakona o zaštiti od požara i vatrogastvu sa prijedlogom da se razmatraju po hitnom postupku.

Predstavnički dom je prilikom utvrđivanja dnevnog reda odlučio da se Prijedlog Zakona o dopuni Zakona o Komisiji za vrijednosne papire razmatra u formi nacrtu Zakona te je Kolegij Doma naroda namjeravao da isto to predloži. Međutim, federalni ministar finansija Ante Krajina je povukao Prijedlog Zakona o dopuni Zakona o Komisiji za vrijednosne papire iz procedure te se o tome Dom naroda nije ni izjašnjavao.

Amir Zukić, predsjednik Kluba delegata bošnjačkog naroda, predložio je da se Nacrt Zakona o izmjenama i dopunama Zakona o pripadnosti javnih prihoda u Federaciji BiH povuče sa dnevnog reda.

Luka Faletar, predsjednik Kluba delegata hrvatskog naroda, predložio je da se Prijedlog Zakona o izmjenama i dopunama Zakona o zaštiti od požara i vatrogastvu razmatra u redovnoj procedure, tj. u formi nacrtu Zakona a da se Prijedlog Zakona o izmjenama i dopunama Zakona o federalnim ministarstvima i drugim tijelima federalne uprave ne razmatra po skraćenom postupku nego u redovnoj proceduri.

Mustafa Kurtović, predsjednik Odbora za poljoprivredu, vodoprivredu i šumarstvo, je, u ime Odbora, predložio da se tačka - Izvještaj o stanju u poljoprivredi (Zeleni izvještaj) u 2011. godini - skine sa dnevnog reda. Odbor je predložio i da se hitno pripremi tematska sjednica na temu Aktuelni problem i situacija u poljoprivredi u Federaciji BiH.

Josip Perić je predložio Kolegiju Doma naroda da u što skorije vrijeme na dnevni red neke od narednih sjednica stavi Prijedlog Zakona o izmjeni Zakona o Vladi Federacije BiH.

Federalni ministar finansija Ante Krajina je izjavio da ostavlja delegatima Doma naroda da se izjasne o tome da li će Nacrt Zakona o izmjenama i

dopunama Zakona o pripadnosti javnih prihoda u Federaciji BiH skinuti sa dnevnog reda.

Kolegij Doma naroda je predložio da se 21. tačka - Izvještaj o provedbi Zakona o koncesijama - skine sa dnevnog reda.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, jednoglasno (41 glas za), prihvatio da se izvještaj o provedbi Zakona o koncesijama skine sa dnevnog reda.

Nakon toga predsjedavajući je stavio na glasanje prijedlog Vlade Federacije da se Prijedlog Zakona o izmjenama i dopunama Zakona o zaštiti od požara i vatrogastvu razmatra po hitnom postupku.

Sa 28 glasova za, uz 10 glasova protiv i uz šest uzdržanih glasova, nije usvojeno da se Prijedlog Zakona o izmjenama i dopunama Zakona o zaštiti od požara i vatrogastvu razmatra po hitnom postupku, te će se Zakon razmatrati u redovnoj proceduri.

Predsjedavajući je upoznao delegate da je Komisija za sigurnost Predstavničkog doma dostavila Prijedlog Zakona o dopunama Zakona o unutrašnjim poslovima u Federaciji BiH sa prijedlogom da se razmatra po hitnom postupku.

Na osnovu rezultata glasanja predsjedavajući je konstatovao da je Dom naroda Parlamenta Federacije BiH, sa 31 glasom za, uz sedam glasova protiv i uz pet uzdržanih glasova, prihvatio da se Prijedlog Zakona o dopunama Zakona o unutrašnjim poslovima u Federaciji BiH razmatra po hitnom postupku.

Potom je predsjedavajući stavio na glasanje prijedlog Vlade Federacije da se Prijedlog Zakona o dopuni Zakona o zdravstvenoj zaštiti razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 31 glasom za, uz pet glasova protiv i uz četiri uzdržana glasa, prihvatio da se Prijedlog Zakona o dopuni Zakona o zdravstvenoj zaštiti razmatra po skraćenom postupku.

Predsjedavajući je stavio na glasanje prijedlog Vlade Federacije da se Prijedlog Zakona o izmjenama i dopunama Zakona o federalnim ministarstvima i drugim tijelima federalne uprave razmatra po skraćenom postupku.

Na osnovu rezultata glasanja, predsjedavajući je konstatovao da prijedlog da se Prijedlog Zakona o izmjenama i dopunama Zakona o federalnim ministarstvima i drugim tijelima federalne uprave razmatra po skraćenom postupku nije dobio potrebnu većinu glasova jer je za glasalo 20 delegata, osam delegata je bilo uzdržano a 17 delegata je bilo protiv, te će se Zakon razmatrati u redovnoj procedure, tj u formi nacрта Zakona.

Predsjedavajući je upoznao delegate da je Klub zastupnika SDP u Predstavničkom domu dostavio Prijedlog Zakona o izmjenama i dopunama Krivičnog zakona Federacije BiH sa prijedlogom da se razmatra po skraćenom postupku.

Na osnovu rezultata glasanja, predsjedavajući je konstatovao da prijedlog da se Prijedlog Zakona o izmjenama i dopunama Krivičnog zakona Federacije BiH razmatra po skraćenom postupku nije dobio potrebnu većinu glasova jer je za glasalo 17 delegata, 11 delegata je bilo uzdržano a 13 delegata je bilo protiv.

Budući da je izražena sumnja u rezultate glasanja, sekretar Doma naroda Izmir Hadživdić izvršio je poimenično izjašnjavanje.

Na osnovu rezultata poimeničnog izjašnjavanja, predsjedavajući je konstatovao da je Dom naroda Parlamenta Federacije BiH, sa 30 glasova za, uz 11 glasova protiv i uz 11 uzdržanih glasova, prihvatio da se Prijedlog Zakona o izmjenama i dopunama Krivičnog zakona Federacije BiH razmatra po skraćenom postupku.

Predsjedavajući je stavio na glasanje prijedlog Kluba delegata bošnjačkog naroda da se 11. tačka - Nacrt Zakona o izmjenama i dopunama Zakona o pripadnosti javnih prihoda u Federaciji BiH - skine sa dnevnog reda.

Na osnovu rezultata glasanja, predsjedavajući je konstatovao da prijedlog da se 11. tačka - Nacrt Zakona o izmjenama i dopunama Zakona o pripadnosti javnih prihoda u Federaciji BiH - skine sa dnevnog reda nije dobio potrebnu većinu glasova jer su za glasala 23 delegata, tri su bila uzdržana a 17 delegata je bilo protiv.

Nakon toga, predsjedavajući je stavio na glasanje prijedlog Odbora za poljoprivredu, vodoprivredu i šumarstvo Doma naroda da se 22. tačka - Izvještaj o stanju u poljoprivredi (Zeleni izvještaj) u 2011. godini - skine sa dnevnog reda.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 37 glasova za, uz dva uzdržana glasa i uz dva glasa protiv, prihvatio da se Izvještaj o stanju u poljoprivredi (Zeleni izvještaj) u 2011. godini skine sa dnevnog reda.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 42 glasa za, uz četiri uzdržana glasa i uz jedan glas protiv, usvojio sljedeći:

## **D N E V N I R E D**

1. Prijedlog Zakona o dopunama Zakona o unutrašnjim poslovima Federacije BiH (predlagač: Komisija za sigurnost Predstavničkog doma) – hitni postupak,
2. Prijedlog Zakona o dopuni Zakona o zdravstvenoj zaštiti – skraćeni postupak,
3. Prijedlog Zakona o izmjenama i dopunama Krivičnog zakona Federacije BiH (predlagač: Klub zastupnika SDPBiH u Predstavničkom domu) – skraćeni postupak,
4. Prijedlog Zakona o privatnim detektivima u Federaciji BiH,
5. Prijedlog Zakona o istraživanju i eksploataciji nafte i plina u Federaciji BiH,
6. Prijedlog Zakona o izmjenama i dopunama Zakona o privrednim društvima,

7. Nacrt Zakona o izmjenama i dopunama Zakona o zaštiti od požara i vatrogastvu,
8. Nacrt Zakona o izmjenama i dopunama Zakona o federalnim ministarstvima i drugim tijelima federalne uprave,
9. Nacrt Zakona o plinu u Federaciji BiH,
10. Nacrt Zakona o izmjenama i dopunama Zakona o pripadnosti javnih prihoda u Federaciji BiH,
11. Nacrt Zakona o izmjenama Zakona o utvrđivanju i načinu izmirenja unutrašnjih obaveza Federacije BiH,
12. Nacrt Zakona o igrama na sreću,
13. Nacrt Zakona o poštanskom prometu Federacije BiH,
14. Prijedlog Odluke o usvajanju urbanističke osnove Regulacionog plana historijskog gradskog područja Blagaj za period od 2011. do 2021. godine,
15. Izvještaj o izvršenju Budžeta Federacije BiH za 2012. godinu,
16. Izvještaj Parlamentarne komisije odgovorne za reviziju o izvještajima revizije finansijskih izvještaja javnih preduzeća iz nadležnosti Parlamenta Federacije BiH za 2011. godinu,
17. Izvještaj o radu za 2012. godinu i Finansijski plan sa Programom rada za 2013. godinu Komisije za vrijednosne papire Federacije BiH,
18. Analitički izvještaj o poslovanju Fonda za zaštitu okoliša Federacije BiH za 2012. godinu,
19. Izvještaj o radu Federalnog zavoda za zapošljavanje za 2012. godinu,
20. Izbori i imenovanja.

**1. Prijedlog Zakona o dopunama Zakona o unutrašnjim poslovima Federacije BiH** (predlagač: Komisija za sigurnost Predstavničkog doma)– hitni postupak

Prijedlog Zakona dostavljen je Vladi Federacije na mišljenje.  
Vlada Federacije nije dostavila mišljenje.  
Predstavnički dom je na 21. sjednici, odžanoj 23. jula 2013. godine, usvojio Zakon u tekstu kako ga je predložio predlagač.

Prijedlog Zakona razmatrala su nadležna radna tijela i dostavila izvještaje. Prijedlog Zakona obrazložio je Ivica Jurčić, predsjednik Komisije za sigurnost Predstavničkog doma.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 38 glasova za, uz dva uzdržana glasa i uz jedan glas protiv, usvojio Prijedlog Zakona o dopunama Zakona o unutrašnjim poslovima Federacije BiH.

## **2. Prijedlog Zakona o dopuni Zakona o zdravstvenoj zaštiti – skraćeni postupak**

Prijedlog Zakona je utvrdila Vlada Federacije.

Predstavnički dom je na 21. sjednici, odžanoj 23. jula 2013. godine, usvojio Prijedlog Zakona o dopuni Zakona o zdravstvenoj zaštiti u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložila je Snježana Bodnaruk, pomoćnica federalnog ministra zdravstva.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 44 glasa za i uz jedan glas protiv, usvojio Prijedlog Zakona o dopuni Zakona o zdravstvenoj zaštiti.

## **3. Prijedlog Zakona o izmjenama i dopunama Krivičnog zakona Federacije BiH (predlagač: Klub zastupnika SDPBiH u Predstavničkom domu) – skraćeni postupak**

Predstavnički dom je na 21. sjednici, odžanoj 23. jula 2013. godine, usvojio Prijedlog Zakona o izmjenama i dopunama Krivičnog zakona Federacije BiH sa dva amandmana koje je predlagač prihvatio pa su postali sastavni dio Zakona.

Amandmani glase:

### **Amandman I.**

U članu 1. Prijedloga Zakona o izmjenama i dopunama Krivičnog zakona Federacije BiH (tj. član 2. osnovnog zakona stav 33.) definirati:

“Krivično djelo učinjeno iz mržnje je svako krivično djelo kod koga je pretežna ili isključiva pobuda za izvršenje bila mržnja, odnosno netrpeljivost ili predrasuda prema oštećenom licu zasnovana na njegovom stvarnom ili pretpostavljenom ličnom svojstvu, odnosno ličnom svojstvu lica sa kojim se oštećeni dovodi u vezu, kao što je nacionalna, vjerska ili etnička pripadnost, boja kože, spol, seksualna orijentacija, invaliditet, zdravstveno stanje, rodni identitet ili neko drugo lično svojstvo.

Ako je krivično djelo učinjeno iz mržnje sud će tu okolnost uzeti kao otežavajuću okolnost, ukoliko motivisanost mržnjom nije već ovim zakonom propisana kao obilježje kvalifikovanog oblika krivičnog djela.”

Dosadašnji stav 33. člana 2. Krivičnog zakona Federacije BiH postaje stav 34.

#### **Amandman II.**

U stavu 1. člana 323.a Prijedloga Zakona o izmjenama i dopunama Krivičnog zakona Federacije BiH iza riječi: “vjerske pripadnosti” dodati riječ: “spola”.

Vlada Federacije je dostavila mišljenje na ovaj zakon.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložio je Jasenko Selimović, predsjednik Kluba zastupnika SDPBiH u Predstavničkom domu.

Uime Zakonodavno-pravne komisije izvještaj je obrazložio predsjednik Komisije Jasenko Tufekčić.

U raspravi su učestvovali: Predrag Kojović, Jasenko Tufekčić, Zijat Mušić, Mira Ljubjankić, predsjednica Kluba delegata srpskog naroda u Domu naroda, Aner Žuljević, Tomislav Martinović, Dževad Rađo, Josip Perić, Hajrudin Bećirović, Sretko Radišić i Jasenko Selimović.

Nakon toga, predsjedavajući je stavio Prijedlog Zakona na glasanje i konstatovao da Dom naroda Parlamenta Federacije BiH nije usvojio Prijedlog Zakona o izmjenama i dopunama Krivičnog zakona Federacije BiH jer su 23 delegata glasala za, 10 delegata je bilo uzdržano a 11 delegata je bilo protiv.

Budući da je izražena sumnja u rezultate glasanja, sekretar Doma naroda Izmir Hadžiavić je izvršio poimenično glasanje.

Na osnovu rezultata poimeničnog glasanja, predsjedavajući je konstatovao da Dom naroda Parlamenta Federacije BiH nije usvojio Prijedlog Zakona o izmjenama i dopunama Krivičnog zakona Federacije BiH jer je 27 delegata glasalo za, 15 delegata je bilo uzdržano a osam delegata je bilo protiv.

#### **4. Prijedlog Zakona o privatnim detektivima u Federaciji BiH**

Prijedlog Zakona utvrdila je Vlada Federacije.

Predstavnički dom je na 29. sjednici, odžanoj 23. februara 2010. godine, usvojio Prijedlog Zakona u tekstu kako ga je predložila Vlada Federacije.

Na Prijedlog Zakona amandman je podnio Branislav Crnogorac, delegat u Domu naroda, koji je Vlada Federacije prihvatila pa je postao sastavni dio Zakona.

Vlada Federacije je razmatrajući amandmane Komisije za jednakopravnost spolova Doma naroda utvrdila 13 amandmana koji su, također, postali sastavni dio Prijedloga Zakona.

#### **Amandman koji je Vlada Federacije prihvatila**

U Prijedlogu Zakona o privatnim detektivima u Federaciji BiH član 4. mijenja se i glasi:

"Osoba koja ima odobrenje za obavljanje detektivskih poslova izdato od države članice Evropske unije može u Federaciji BiH obavljati detektivske poslove na način i pod uvjetima određenim ovim zakonom i uz postojanje reciprociteta.

Odobrenje za obavljanje detektivskih poslova za osobu iz stava 1. ovog člana izdaje kantonalno ministarstvo, uz suglasnost Federalnog ministarstva."

### **Amandmani Vlade Federacije**

#### **Amandman I.**

U članu 2. stav 2. mijenja se i glasi:

"Detektivski poslovi obavljaju se kao samostalna djelatnost koja se upisuje u sudski registar u skladu sa propisom o upisu privrednih društava u sudski registar."

#### **Amandman II.**

U članu 3. u stavu 2. na kraju teksta dodaje se nova rečenica koja glasi:

"Za upis ureda u sudski registar prilaže se akt o osnivanju zajedničkog ureda."

#### **Amandman III.**

Iza člana 4. dodaju se novi čl. 4.a i 4.b koji glase:

#### **"Član 4.a**

Gramatička terminologija u vezi sa korištenjem muškog ili ženskog roda za pojmove u ovom zakonu uključuje oba roda.

#### **Član 4.b**

Zabranjuje se svaki oblik diskriminacije na osnovu spola, vjeroispovijesti, rasne i etničke pripadnosti, boje kože, jezika, nacionalnog ili socijalnog porijekla, obrazovanja i socijalnog statusa kod registracije detektivske djelatnosti, izdavanja odobrenja za obavljanje poslova detektivske djelatnosti i obavljanja detektivskih poslova na osnovu ovog zakona i propisa donesenih na osnovu ovog zakona."

#### **Amandman IV.**

U članu 5. u tački 3) iza riječi: "spremu" dodaju se riječi: "ili prvi ciklus završenog dodiplomskog studija ili ekvivalenta, stečenog nakon najmanje tri i najviše četiri godine redovnog studija nakon sticanja svjedodžbe o završenoj srednjoj školi koji se vrednuje sa najmanje 180 odnosno 240 ECTS bodova".

Iza stava 1. dodaje se novi stav 2. koji glasi:

"Uvjete iz stava 1. ovog člana mora da ispunjava i osoba iz člana 4. ovog zakona, osim uvjeta iz tačke 1) da je državljanin Bosne i Hercegovine."

Dosadašnji stav 2. postaje stav 3.

#### **Amandman V.**

U članu 11. u stavu 1. u prvoj rečenici riječ: "može" zamjenjuje se riječju: "će".

Iza tačke 2) dodaje se tačka 3) koja glasi:

"3) ako obavlja druge poslove koji nisu utvrđeni ovim zakonom".

**Amandman VI.**

U članu 13. u tački 5) iza riječi: "sudovima" zarez i riječi: "tužilaštvima, pravobranilaštvima" se brišu.

**Amandman VII.**

Član 14. mijenja se i glasi:

„Privatni detektiv pored poslova iz člana 13. ovog zakona može obavljati i poslove planiranja i provođenja mjera zaštite poslovnih tajni, informatičkih sistema, ekonomskih i osobnih podataka i informacija u skladu sa zaključenim ugovorom sa naručiocem detektivskih usluga (u daljnjem tekstu: naručilac usluga).“

**Amandman VIII.**

U članu 16. na kraju teksta briše se tačka i dodaju sljedeće riječi: „utvrđeni u odgovarajućim propisima kojima su regulirane nadležnosti za rad tih tijela“.

**Amandman IX.**

U članu 18. u stavu 2. na kraju teksta tačka se zamjenjuje zarezom i dodaju sljedeće riječi: "obavještajno-sigurnosne službe, tijela za prikupljanje poreza i tužilaštva".

**Amandman X.**

U članu 22. stav 3. mijenja se i glasi:

„Državno tijelo i pravna lica iz stava 1. ovog člana podatke koji predstavljaju osobne podatke ili podatke koji imaju određen stepen tajnosti izdaju u skladu sa Zakonom o zaštiti osobnih podataka („Službeni glasnik BiH“, br. 49/06, 76/11 i 89/11) i Zakonu o zaštiti tajnih podataka („Službeni glasnik BiH“, br. 54/05 i 12/09).“

**Amandman XI.**

U članu 24. iza stava 1. dodaje se novi stav 2. koji glasi:

„Zapisnik iz stava 1. ovog člana ima snagu javne isprave.“

U dosadašnjem stavu 2. koji postaje stav 3. na kraju teksta tačka se zamjenjuje zarezom i dodaju sljedeće riječi: „s tim što se kao naziv tijela upisuje privatni detektiv, odnosno ured sa podacima koji su upisani u sudski registar“.

**Amandman XII.**

U članu 31. u stavu 1. iza tačke 3) dodaju se nove tač. 4), 5) i 6) koje glase:

„4) da utvrdi da li se podaci koje prikuplja privatni detektiv ili ured čuvaju i prikupljaju u skladu sa ovim zakonom i drugim propisima;

5) da utvrdi da li se vrši uništavanje podataka, dokaza i drugog materijala prikupljenog na osnovu pisanog ugovora u roku utvrđenim ovim zakonom;

6) da obavlja i druge poslove koji se utvrde u propisu iz člana 33. ovog zakona“.

**Amandman XIII.**

U članu 35. iza tačke 1) dodaje se nova tačka 2) koja glasi:

„2) ako vrši diskriminaciju na osnovu spola, vjeroispovijesti, rasne i etničke pripadnosti, boje kože, jezika, nacionalnog ili socijalnog porijekla, obrazovanja i socijalnog statusa tokom obavljanja detektivske djelatnosti (član 4.b)“.

Dosadašnje tač. od 2) do 15) postaju tač. od 3) do 16).

U članu 35. iza stava 1. dodaje se stav 2. koji glasi:

„Privatni detektiv u smislu stava 1. ovog člana ima status odgovorne osobe.“

Prijedlog Zakona razmatrala su nadležna radna tijela i dostavila izvještaje. Prijedlog Zakona obrazložio je Predrag Kurteš, federalni ministar unutrašnjih poslova.

U raspravi nije niko učestvovao

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 33 glasa za, uz devet uzdržanih glasova i uz četiri glasa protiv, usvojio Prijedlog Zakona o privatnim detektivima u Federaciji BiH.

Budući da je Prijedlog Zakona o privatnim detektivima u Federaciji BiH usvojen u različitom tekstu u oba doma Parlamenta Federacije **potrebno** ga je **usaglasiti**.

## **5. Prijedlog Zakona o istraživanju i eksploataciji nafte i plina u Federaciji BiH**

Prijedlog Zakona utvrdila je Vlada Federacije.

Predstavnički dom je na 21. sjednici, odžanoj 23. jula 2013. godine, usvojio Prijedlog Zakona sa jednim amandmanom koji je Vlada Federacije prihvatila pa je postao sastavni dio Prijedloga Zakona.

### **Amandman glasi:**

U članu 74. ovog zakona iza zarezova dodati riječi: „primjenjivat će se odredbe ovog zakona“, a ostatak teksta se briše.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložio je Erdal Trhulj, federalni ministar energije, rudarstva i industrije.

Izvještaj Odbora za privredu obrazložio je Hajrudin Bećirović, predsjednik Odbora.

U raspravi su učestvovali: Ivo Divković, Mirko Batinić, Hajrudin Bećirović i Erdal Trhulj.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 41 glasom za, uz pet uzdržanih glasova i uz dva glasa protiv, usvojio Prijedlog Zakona o istraživanju i eksploataciji nafte i plina u Federaciji BiH.

## **6. Prijedlog Zakona o izmjenama i dopunama Zakona o privrednim društvima**

Prijedlog Zakona utvrdila je Vlada Federacije.

Predstavnički dom je na 21. sjednici, odžanoj 23. jula 2013. godine, usvojio Prijedlog Zakona u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložio je Erdal Trhulj, federalni ministar energije, rudarstva i industrije.

U raspravi su učestvovali Elvira Abdić-Jelenović, Zoran Jovanović i Erdal Trhulj, federalni ministar energije, rudarstva i industrije.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 37 glasa za, uz sedam uzdržanih glasova i uz pet glasova protiv, usvojio Prijedlog Zakona o izmjenama i dopunama Zakona o privrednim društvima.

## **7. Nacrt Zakona o izmjenama i dopunama Zakona o zaštiti od požara i vatrogastvu**

Prijedlog Zakona utvrdila je Vlada Federacije.

Predstavnički dom je na 21. sjednici, održanoj 23. jula 2013. godine, razmatrao Prijedlog Zakona o izmjenama i dopunama Zakona o zaštiti od požara i vatrogastvu u tekstu kako ga je predložila Vlada Federacije.

Dom naroda je u prethodnom postupku odlučio da ovaj zakon razmatra u formi nacrta Zakona.

Prijedlog Zakona razmatrala su nadležna radna tijela i dostavila izvještaje.

Nacrt Zakona obrazložio je Alija Tihić, direktor Federalne uprave civilne zaštite.

U raspravi su učestvovali Elvira Abdić-Jelenović, Ivo Tadić i Sretko Radišić.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 39 glasova za, uz tri glasa protiv i uz pet uzdržanih glasova, usvojio sljedeći:

## **ZAKLJUČAK**

1. Dom naroda Parlamenta Federacije BiH prihvata Nacrt Zakona o izmjenama i dopunama Zakona o zaštiti od požara i vatrogastvu i smatra da može poslužiti kao osnov za izradu prijedloga Zakona.
2. Zadužuje se Vlada Federacije BiH da prilikom izrade prijedloga Zakona ima u vidu primjedbe, prijedloge i sugestije iznesene na sjednici Doma.

## **8. Nacrt Zakona o izmjenama i dopunama Zakona o federalnim ministarstvima i drugim tijelima federalne uprave**

Vlada Federacije je utvrdila ovaj zakon u formi prijedloga Zakona.

Predstavnički dom Parlamenta Federacije BiH je na 21. Sjednici, održanoj 23. jula 2013. godine, usvojio Prijedlog Zakona o izmjenama i dopunama Zakona o federalnim ministarstvima i drugim tijelima federalne uprave sa dva amandmana koje je Vlada Federacije prihvatila, pa su postali sastavni dio Prijedloga Zakona. Amandmani se odnose na čl. 4. i 13.

Amandmani glase:

**Amandman I.**

Član 4. mijenja se i glasi:

U članu 13. stav 1. mijenja se i glasi:

„Federalno ministarstvo za pitanja boraca i invalida odbrambeno-oslobodilačkog rata obavlja upravne i stručne poslove iz nadležnosti Federacije koji se odnose na: utvrđivanje jedinstvene politike i pripremanje sistemskih propisa kojima se reguliraju socijalno-statusna pitanja vojnih invalida i članova njihovih porodica, članova porodica poginulih, nestalih i umrlih boraca odbrambeno-oslobodilačkog rata, vršenje upravnog i finansijskog nadzora nad izvršavanjem propisa iz oblasti socijalno-statusnih prava ratnih vojnih invalida, boraca, dobitnika ratnih priznanja i odlikovanja, kao i članova njihovih porodica, vođenje Jedinstvenog registra boraca i korisnika prava iz oblasti boračko-invalidske zaštite, vodi službenu evidenciju o činjenicama iz oblasti regulirane vojne obaveze građana, upravlja dokumentima vojne evidencije, izdaje uvjerenja o činjenicama iz službene evidencije, pruža pravnu i stručnu pomoć u ostvarivanju prava koja se izvode iz statusa vojnog invalida, provodi mjere za uključivanje boraca u društveni i privredni život, organizira aktivnosti radi stručnog osposobljavanja i zapošljavanja vojnih invalida, boraca i djece poginulih boraca, predlaže mjere podizanja životnog standarda boraca, prati probleme u ostvarivanju prava boraca i predlaže mjere, upravlja arhivskom građom sastava ARBiH, HVO i Vojske Federacije, uključujući i personalne dosjee profesionalnog sastava Vojske Federacije do 01.01.2002. godine, obavlja poslove u vezi sa obavezama Vlade Federacije BiH na osnovu ostvarenog posebnog staža boraca, saraduje sa udruženjima proisteklim iz odbrambeno-oslobodilačkog rata, predlaže i provodi program psihosocijalne pomoći i rehabilitacije invalida i boraca, predlaže program stambenog zbrinjavanja, samozapošljavanja, brine o vojnim osiguranicima iz Federacije BiH nakon otpuštanja iz vojne službe, inicira i predlaže donošenje i izmjene propisa iz oblasti socijalne zaštite vojnih invalida radi usklađivanja sa propisima Evropske unije, postupa po presudama donesenim u sporovima protiv prijašnjeg Federalnog ministarstva odbrane i rješava u drugim pitanjima koja se odnose na prava i obaveze bivših pripadnika Vojske Federacije BiH i Federalnog ministarstva odbrane, obavlja poslove planiranja i koordinacije izradnje i održavanja spomen-obilježja odbrambeno-oslobodilačkog rata, grobalja i stratišta žrtava odbrambeno-oslobodilačkog rata, obavlja i druge propise koje mu se stave u nadležnost posebnim zakonom ili drugim propisom.“

**Amandman II.**

U članu 13. iza stava 3. dodaje se stav 4. koji glasi:

„Radi neposrednog obavljanja poslova i zadataka Ministarstvo ima organizacione jedinice u sjedištu, kantonima i općinama Federacije BiH.“

Na Prijedlog Zakona amandmane je podnio Ivo Tadić, ali kako je prilikom utvrđivanja dnevnog reda odlučeno da se ovaj zakon razmatra u formi nacrtu Zakona ti amandmani će se smatrati kao primjedbe.

Nacrt Zakona obrazložio je Zoran Mikulić, federalni ministar pravde.

U raspravi su učestvovali: Ivo Tadić, Damir Čardžić, Hajrudin Bećirović, Senahid Šaković, Josip Perić, Zijat Mušić i Aner Žuljević.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 37 glasova za, uz pet glasova protiv i uz šest uzdržanih glasova, usvojio sljedeći:

### **ZAKLJUČAK**

1. Dom naroda Parlamenta Federacije BiH prihvaća Nacrt Zakona o izmjenama i dopunama Zakona o federalnim ministarstvima i drugim tijelima federalne uprave i smatra da može poslužiti kao osnova za izradu prijedloga Zakona.
2. Zadužuje se Vlada Federacije da prilikom izrade prijedloga Zakona ima u vidu primjedbe, prijedloge i sugestije iznesene na sjednici Doma naroda.

### **9. Nacrt Zakona o plinu Federacije BiH**

Nacrt Zakona o plinu Federacije BiH utvrdila je Vlada Federacije.

Predstavnički dom Parlamenta Federacije BiH je na nastavku 21. sjednice od 24. jula 2013. godine razmatrao Nacrt Zakona i zaključkom ga prihvatio.

Nacrt Zakona o plinu Federacije BiH obrazložio je Erdal Trhulj, federalni ministar energije, rudarstva i industrije.

Izveštaj Odbora za privredu obrazložio je Hajrudin Bećirović, predsjednik Odbora.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 40 glasova za, uz jedan glas protiv i uz dva uzdržana glasa, usvojio sljedeći:

### **ZAKLJUČAK**

1. Dom naroda Parlamenta Federacije BiH prihvaća Nacrt Zakona o plinu u Federaciji BiH i smatra da može poslužiti kao osnova za izradu prijedloga Zakona.
2. Zadužuje se Vlada Federacije da organizira i provede javnu raspravu u trajanju 30 dana.
3. Zadužuje se Vlada Federacije da prilikom izrade prijedloga Zakona ima u vidu primjedbe, prijedloge i sugestije iznesene na sjednici, kao i one iznesene u javnoj raspravi.

## **10. Nacrt Zakona o izmjenama i dopunama Zakona o pripadnosti javnih prihoda u Federaciji BiH**

Nacrt Zakona utvrdila je Vlada Federacije.

Predstavnički dom Parlamenta Federacije BiH je na nastavku 21. sjednice od 24. jula 2013. godine razmatrao Nacrt Zakona i zaključkom ga prihvatio. Tom prilikom ovaj zakon je stavljen na javnu raspravu.

Na prijedlog federalnog ministra finansija obrazloženje i rasprava o Nacrtu Zakona odgođeni su za nastavak sjednice.

Sjednica je prekinuta u 16.30.

### **NASTAVAK SJEDNICE OD 26.9.2013. GODINE**

Sjednica je počela u 11.30.

Sjednici je predsjedavao Radoje Vidović, predsjedavajući Doma naroda Parlamenta Federacije BiH.

Na početku sjednice predsjedavajući je pozdravio delegate, ministre u Vladi Federacije BiH, predstavnike nevladinih organizacija, predstavnike akreditiranih medijskih kuća koji prate rad sjednice i goste.

Na osnovu evidencije Stručne službe, predsjedavajući je konstatovao da sjednici prisustvuje 40 delegata, što čini većinu, te Dom naroda može raditi i punovažno odlučivati.

Izostanak sa sjednice opravdali su: Jasmin Smailbegović, Slaviša Mihajlović, Zahid Bašić, Hanka Vajzović, Esed Radeljaš i Esad Bašagić.

Predsjedavajući je podsjetio delegate na preostale tačke dnevnog reda i prešao na rad.

## **10. Nacrt Zakona o izmjenama i dopunama Zakona o pripadnosti javnih prihoda u Federaciji BiH**

Nacrt Zakona utvrdila je Vlada Federacije.

Predstavnički dom Parlamenta Federacije BiH je na nastavku 21. sjednice od 24. jula 2013. godine razmatrao Nacrt Zakona i zaključkom ga prihvatio, te stavio na javnu raspravu.

Nacrt Zakona obrazložio je Ante Krajina, federalni ministar finansija.

Usljedila je rasprava o pitanju da li se ovaj zakon treba razmatrati, budući da je Klub delegata bošnjačkog naroda predložio da se pristupi izradi cjelovitog zakona. U raspravi su učestvovali: Amir Zukić, predsjednik Kluba delegata bošnjačkog naroda, Ivo Divković, ministar Ante Krajina, Mijo Matanović, Salko

Selman, Enes Salkanović i Ante Krajina, izjavivši da ne može povući ovaj nacrt Zakona iz procedure.

Potom je predsjedavajući otvorio raspravu o ovom nacrtu Zakona.

Salko Selman je obrazložio izvještaj Odbora za ekonomsku i razvojnu politiku, finansije i budžet.

U raspravi su učestvovali: Ivo Divković, Mijo Matanović, Amir Zukić, Josip Perić, Senahid Šaković, Sretko Radišić, Tomislav Martinović, Amel Hadžiabdić, Hajrudin Bećirović, Aner Žuljević, Damir Čardžić, Ivo Tadić i Vesna Nemec-Klisura.

Data je pauza kao bi Parlamentarna komisija odgovorna za reviziju održala sjednicu.

Nakon pauze, skretar Doma naroda je obavio poimenično prozivanje delegata kako bi se utvrdio kvorum za rad sjednice.

Na osnovu prozivke, sekretar je utvrdio da sjednici prisustvuje 35 delegata, što čini kvorum za rad.

Jasenko Tufekčić je izjavio da bi se delegati koji ne prisustvuju sjednicama trebali finansijski kažnjavati. Radoje Vidović je izjavio da će se Kolegij Doma naroda i Administrativna komisija izjasniti o ovom pitanju.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 34 glasa za, uz dva glasa protiv i uz četiri uzdržana glasa, usvojio sljedeći:

## **ZAKLJUČAK**

1. Dom naroda Parlamenta Federacije BiH prihvata Nacrt Zakona o izmjenama i dopunama Zakona o pripadnosti javnih prihoda u Federaciji BiH i smatra da može poslužiti kao osnov za izradu prijedloga Zakona.
2. Zadužuje se Vlada Federacije da organizira i provede javnu raspravu u trajanju 60 dana.
3. Zadužuje se Vlada Federacije da prilikom izrade prijedloga Zakona ima u vidu primjedbe, prijedloge i sugestije iznesene na sjednici, kao i one iznesene u javnoj raspravi.
4. Zadužuje se Vlada Federacije da nakon popisa stanovništva, koji će biti proveden u oktobru 2013. godine, pripremi i u parlamentarnu proceduru dostavi novi Zakon o pripadnosti javnih prihoda u Federaciji BiH i Zakon o dugu, zaduživanju i jamstvima.
5. Zadužuje se Vlada Federacije da prilikom izmjena i dopuna Budžeta Federacije za 2013. godinu ili prilikom izrade Budžeta Federacije za 2014. godinu osigura dodatna sredstva za one kantone koji su oštećeni važećim Zakonom o pripadnosti javnih prihoda u Federaciji BiH.

## **11. Nacrt Zakona o izmjenama Zakona o utvrđivanju i načinu izmirenja unutrašnjih obaveza Federacije BiH**

Nacrt Zakona utvrdila je Vlada Federacije.

Predstavnički dom Parlamenta Federacije BiH je na nastavku 21. sjednice od 24. jula 2013. godine razmatrao Nacrt Zakona i zaključkom ga prihvatio.

Nacrt Zakona obrazložio je Ante Krajina, federalni ministar finansija.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 33 glasa za i uz tri uzdržana glasa, usvojio sljedeći:

### **ZAKLJUČAK**

Dom naroda Parlamenta Federacije BiH prihvća Nacrt Zakona o izmjenama Zakona o utvrđivanju i načinu izmirenja unutrašnjih obaveza Federacije BiH i smatra da može poslužiti kao osnov za izradu prijedloga Zakona.

## **12. Nacrt Zakona o igrama na sreću**

Nacrt Zakona utvrdila je Vlada Federacije.

Predstavnički dom je na nastavku 21. sjednice, održane 24. jula 2013. godine, razmatrao Nacrt Zakona i zaključkom ga prihvatio.

Nacrt Zakona razmatrala su nadležna radna tijela i dostavila izvještaje.

Nacrt Zakona obrazložio je Ante Krajina, federalni ministar finansija.

U raspravi je učestvovao Radoje Vidović.

Budući da je Mira Ljubijankić, predsjednica Kluba delegata srpskog naroda, izrazila sumnju u rezultate glasanja, sekretar Doma naroda Izmir Hadžiavdić je izvršio poimenično izjašnjavanje.

Na osnovu rezultata poimeničnog izjašnjavanja, predsjedavajući je konstatovao da je Dom naroda Parlamenta Federacije, sa 30 glasova za i uz 11 uzdržanih glasova, usvojio sljedeći:

### **ZAKLJUČAK**

1. Dom naroda Parlamenta Federacije BiH prihvća Nacrt Zakona o igrama na sreću i smatra da može poslužiti kao osnova za izradu prijedloga Zakona.
2. Zadužuje se Vlada Federacije da organizira i provede javnu raspravu u trajanju 60 dana.
3. Zadužuje se Vlada Federacije da prilikom izrade prijedloga Zakona ima u vidu primjedbe, prijedloge i sugestije iznesene na sjednici, kao i one iznesene u javnoj raspravi.

### **13. Nacrt Zakona o poštanskom prometu Federacije BiH**

Nacrt Zakona utvrdila je Vlada Federacije.

Predstavnički dom je na nastavku 21. sjednice, održane 24. jula 2013. godine, razmatrao Nacrt Zakona i zaključkom ga prihvatio.

Nacrt Zakona razmatrala su nadležna radna tijela i dostavila izvještaje.

Nacrt Zakona obrazložio je Kenan Osmanagić, predstavnik Federalnog ministarstva prometa i komunikacija.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 34 glasa za, uz četiri uzdržana glasa i uz jedan glas protiv, usvojio sljedeći:

#### **ZAKLJUČAK**

1. Dom naroda Parlamenta Federacije BiH prihvata Nacrt Zakona o poštanskom prometu Federacije BiH i smatra da može poslužiti kao osnova za izradu prijedloga Zakona.
2. Zadužuje se Vlada Federacije da organizira i provede javnu raspravu u trajanju 60 dana.
3. Zadužuje se Vlada Federacije da prilikom izrade prijedloga Zakona ima u vidu primjedbe, prijedloge i sugestije iznesene na javnoj raspravi.

### **14. Prijedlog Odluke o usvajanju urbanističke osnove Regulacionog plana historijskog gradskog područja Blagaj za period od 2011. do 2021. godine**

Odluku je utvrdila Vlada Federacije i dostavila je Parlamentu Federacije radi razmatranja i donošenja.

Predstavnički dom je na nastavku 21. sjednice, održane 24. jula 2013. godine, donio Odluku o usvajanju urbanističke osnove Regulacionog plana historijskog gradskog područja Blagaj za period od 2011. do 2021. godine.

Odluku su razmatrala nadležna radna tijela i dostavila izvještaje.

Odluku su obrazložili Hanka Mušibegović, pomoćnica federalnog ministra prostornog uređenja, i Boris Badža, predstavnik Instituta za građevinarstvo iz Banje Luke.

U raspravi su učestvovali: Đuro Prkačin, Mušić Zijat, Hanka Vajzović i Boris Badža.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 32 glasa za, uz devet uzdržanih glasova i uz dva glasa protiv, donio Odluku o usvajanju urbanističke osnove Regulacionog plana historijskog gradskog područja Blagaj za period od 2011. do 2021. godine.

### **15. Izvještaj o izvršenju Budžeta Federacije BiH za 2012. godinu**

Predsjedavajući je podsjetio delegate Doma naroda da je Vlada Federacije dostavila Parlamentu Federacije Izvještaj o izvršenju Budžeta Federacije BiH za 2012. godinu.

Predstavnički dom na nastavku 21. sjednice od 10. septembra 2013. godine nije prihvatio Izvještaj o izvršenju Budžeta Federacije BiH za 2012. godinu jer prilikom glasanja nije dobio potrebnu većinu glasova.

Izvještaj su razmatrala nadležna radna tijela i dostavila izvještaje.

Izvještaj o izvršenju Budžeta Federacije BiH za 2012. godinu obrazložio je Ante Krajina, federalni ministar finansija.

U raspravi je učestvovao Sretko Radišić.

Na osnovu rezultata glasanja, predsjedavajući je konstatovao da Dom naroda Parlamenta Federacije nije usvojio Izvještaj o izvršenju Budžeta Federacije BiH za 2012. godinu jer je za glasalo 27 delegata, dva delegata su bila uzdržana a 10 delegata je bilo protiv.

### **16. Izvještaj Parlamentarne komisije odgovorne za reviziju o izvještajima revizije finansijskih izvještaja javnih preduzeća iz nadležnosti Parlamenta Federacije BiH za 2011. godinu**

Ured za reviziju institucija Federacije BiH dostavio je Parlamentu Federacije revizorski izvještaj o reviziji finansijskih izvještaja javnih preduzeća iz nadležnosti Parlamenta Federacije BiH za 2011. godinu.

Parlamentarna komisija odgovorna za reviziju razmatrala je ovaj izvještaj i dostavila svoj.

Predstavnički dom je na nastavku 21. sjednice od 10. septembra 2013. godine prihvatio Izvještaj Parlamentarne komisije odgovorne za reviziju o izvještajima revizije finansijskih izvještaja javnih preduzeća iz nadležnosti Parlamenta Federacije BiH za 2011. godinu.

Izvještaj su razmatrala nadležna radna tijela i dostavila izvještaje.

U raspravi je učestvovao Hajrudin Bećirović.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 34 glasa za i uz četiri uzdržana glasa, prihvatio Izvještaj Parlamentarne komisije odgovorne za reviziju o izvještajima revizije finansijskih izvještaja javnih preduzeća iz nadležnosti Parlamenta Federacije BiH za 2011. godinu.

### **17. Izvještaj o radu za 2012. godinu i Finansijski plan sa Programom rada za 2013. godinu Komisije za vrijednosne papire Federacije BiH**

Komisija za vrijednosne papire Federacije BiH utvrdila je Izvještaj o radu za 2012. godinu i Finansijski plan sa Programom rada za 2013. godinu Komisije za vrijednosne papire Federacije BiH i dostavila ih Parlamentu Federacije radi razmatranja i prihvatanja.

Predstavnički dom na nastavku 21. sjednice od 10. septembra 2013. godine nije prihvatio Izvještaj o radu za 2012. godinu i Finansijski plan sa Programom rada za 2013. godinu Komisije za vrijednosne papire Federacije BiH jer prilikom glasanja nije dobio potrebnu većinu glasova.

Izvještaj su razmatrala nadležna radna tijela i dostavila izvještaje.

U raspravi nije niko učestvovao.

Na osnovu rezultata glasanja, predsjedavajući je konstatovao da Dom naroda Parlamenta Federacije nije prihvatio Izvještaj o radu Komisije za vrijednosne papire Federacije BiH za 2012. godinu i nije potvrdio Finansijski plan sa Programom rada za 2013. godinu Komisije za vrijednosne papire Federacije BiH jer je za glasalo 18 delegata, sedam delegata je bilo uzdržano a tri delegata su bila protiv.

### **18. Analitički izvještaj o poslovanju Fonda za zaštitu okoliša Federacije BiH za 2012. godinu**

Analitički izvještaj dostavila je Vlada Parlamentu Federacije radi razmatranja i usvajanja.

Predstavnički dom je na nastavku 21. sjednice, održane 10. septembra 2013. godine, donio Odluku o prihvatanju Analitičkog izvještaja o poslovanju Fonda za zaštitu okoliša Federacije BiH za 2012. godinu.

Analitički izvještaj razmatrala su nadležna radna tijela i dostavila izvještaje.

Analitički izvještaj je obrazložila Maida Čurevac, predstavnik predlagača.

U raspravi su učestvovali Hajrudin Bećirović i Maida Čurevac.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 32 glasa za, uz pet uzdržanih glasova i uz jedan glas protiv, donio Odluku o prihvatanju Analitičkog izvještaja o poslovanju Fonda za zaštitu okoliša Federacije BiH za 2012. godinu.

### **19. Izvještaj o radu Federalnog zavoda za zapošljavanje za 2012. godinu**

Vlada Federacije prihvatila je Izvještaj o radu Federalnog zavoda za zapošljavanje za 2012. godinu i dostavila ga Parlamentu Federacije radi razmatranja i usvajanja.

Predstavnički dom na nastavku 21. sjednice od 10. septembra 2013. godine nije prihvatio Izvještaj o radu Federalnog zavoda za zapošljavanje za 2012. godinu jer nije dobio potrebnu većinu glasova.

Izvještaj su razmatrala nadležna radna tijela i dostavila izvještaje.

Izvještaj je obrazložio Kenan Rešo, predstavnik Federalnog zavoda za zapošljavanje.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 38 glasova za i uz jedan uzdržani glas, usvojio Izvještaj o radu Federalnog zavoda za zapošljavanje za 2012. godinu.

## 20. Izbor i imenovanja

Predsjedavajući je podsjetio delegate da su komisije za izbor i imenovanja oba doma Parlamenta Federacije utvrdile Prijedlog Odluke o imenovanju jednog člana Nezavisnog odbora.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 32 glasa za i uz jedan uzdržani glas, donio Odluku kojom je imenovao **Mirka Kurilića** za člana Nezavisnog odbora.

Sjednica je završena u 15.44.

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVAJUĆI

Radoje Vidović